



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibus, Qvarvm permultæ antehàc nunquàm  
in lucem prodière

Complectens Sanctos Mensivm || Martii Et Aprilis

**Surius, Laurentius**

**Coloniae Agrippinae, 1576-**

**VD16 S 10259**

De S. Maximo martyre.

---

[urn:nbn:de:hbz:466:1-77384](https://nbn-resolving.org/urn:nbn:de:hbz:466:1-77384)



HISTORIA BREVIS, SED FIDE DIGNA,  
TAMETSI AVTHOR IGNORATVR, S. MAXIMI MAR-  
tyris. *Habetur autem in antiquis MS. codicibus.*

30. Aprilis.

S. Maximus  
fistitur corā  
Proconſule



Ecce Imperator, volens profigare legem Christianorum, promulgavit decreta per vniuersum orbem, vt Christiani omnes, relicto Deo viuo & vero, dæmonijs sacrificarent: qui verò id facere nollent, supplicijs afficerentur. Quo in tempore vir sanctus Maximus se palàm Christianum declarauit. Erat verò plebeius, negocij sui curam gerens. Compræhensus igitur est & oblatuſ Optimo proconſuli apud Aſiam. Dixit autem ei Proconſul: *Quis vocaris?* At ille: *Maximus vocor,* inquit. Proconſul dixit: *Cuius conditionis es?* Maximus reſpondit: *Ingenuus quidem natus, ſeruus verò Chriſti: mei autem negocij curam gero.* Proconſul dixit: *Christianus es?* Maximus reſpondit: *Eſti peccator, tamen Christianus ſum.* Proconſul dixit: *Cognouiſti decreta inuictiſſimorum principum, quæ nunc huc allata ſunt?* Maximus reſpondit: *Quænam illa?* Proconſul dixit: *Vt Christiani omnes, relicta ſuperſtitione, cognoscant verum principem, cui omnia ſubiacent, & deos eius adorent.* Maximus reſpondit: *Iniquam huius principis cognoui ſententiam, & idè ne palàm oſtendi.* Proconſul dixit: *Sacrifica ergò dijs.* Maximus reſpondit: *Ego non ſacrifico, niſi ſoli Deo, cui me ab ineunte ætate ſacrificãſſe gratulor.* Proconſul dixit: *Sacrifica, nè te varijs faciam tormentis affici.* Maximus reſpondit: *Hoc eſt, quod ſemper optaui, vt carens hac temporali & miſera vita, perueniam ad ſempiternam.* Tunc Proconſul iuſſit eum ſuſtibus cædi: cun-que cæderetur, ait Proconſul: *Sacrifica Maxime, vt ab his liber ſis tormentis.* Maximus reſpondit: *Hæc non ſunt tormenta, quæ p̄nomine Domini noſtri Ieſu Chriſti inferuntur: à quo ſi receſſero, vera & ſempiterna me tormenta manebunt.* Tunc Proconſul iuſſit eum in eculeo ſuſpendi atque tortueri, & dicebat ei: *Iam cerne ſultitiam tuam, & ſacrifica, vt vitam lucreris.* Maximus reſpondit: *Lucrabor planè vitam, ſi non ſacrificauero. Nam ſi ſacrificauero, perdo eam. Mihi verò nec ſuſtes, nec vngulæ, nec ignes tui vllum adferunt dolorem quia in me manet Chriſti gratia.* Tunc Proconſul tulit in eum ſententiam, ita dicens: *Eum, qui ſacris legiſus animum noluit accommodare, vt magna Dianæ ſacrificaret, in terrorem reliquorum Christianorum, obrui lapidibus præcipio.*

Virile pe-  
ctus & præ-  
clara con-  
ſtantia Ma-  
ximi.

Lapidibus  
obruitur.

Et raptus eſt conſeſſim athleta Chriſti à miniſtris diaboli, gratias agens Deo, qui ipſum dignum iudicãſſet certando ſuperare diabolum: perducusque extra muros, lapidibus cæſus, tradidit animam Chriſto, cui eſt honor & gloria,  
in ſecula ſeculorum  
Amen.

F I N I S.

DEO LAVDES ET GRATES.

